

Comhairle Ceantair an Iúir, Mhúrn agus an Dúin

Straitéis na Gaeilge 2024-2027

Newry, Mourne and Down District Council

Irish Language Strategy 2024-2027



Clár an Ábhair

Intreoir	3
Creat Straitéiseach – Misean, Fís agus Luachanna	3
Cuspóirí Straitéiseacha	4
Creat an tSoláthair	4
Struchtúr agus Rialachas	5
Monatóireacht agus Athbhreithniú	5
Plean Gníomhaíochta	6

1. Intreoir

Aithníonn Comhairle Ceantair an Lúir, Mhúrn agus an Dúin gur dlúthchuid lárnach de chreatlach chultúir, oidhreacht agus féiniúlachta an cheantair í an Ghaeilge. Tá pobal Gaeilge láidir méadaitheach ina chónaí, ag obair, ag cuartaíocht agus ag bualadh le chéile i gceantar na Comhairle.

Tá an Chomhairle fós tiomanta do na cuspóirí atá leagtha amach i bPolasaí Dátheangachais na Comhairle agus déanfaidh muid iad a chur chun cinn go gníomhach; cuireadh na struchtúir riachtanacha i bhfeidhm le hé a chinntiú go mbeidh rath agus bláth inbhuanaithe ar an Ghaeilge agus ar an Ghaelphobal.

Aithníonn an Chomhairle, fosta, gur tugadh isteach an tAcht Féiniúlachta agus Teanga (Tuaisceart Éireann) 2022 agus go gcaithfidh an Chomhairle ullmhú do na caighdeáin teanga a d'fhéadadh Coimisinéir Gaeilge a chruthú amach anseo.

Ag tógáil ar Straitéis na Gaeilge 2020-2023, tá Straitéis na Gaeilge forbartha againn don tréimhse 2024-2027. Leagann an Straitéis (2024-2027) amach go leanfaidh an Chomhairle leis:

- an Ghaeilge a mhéadú i gcomhlíonadh a cuid feidhmeanna
- an Ghaeilge a úsáid ina cuid cumarsáide leis an phobal agus le páirtithe leasmhara; agus
- an Ghaeilge a fhorbairt, a chur chun cinn agus a chothú fud fad an cheantair.

2. An Creatchlár Straitéiseach – misean, fíis agus luachanna

Tá misean na Comhairle leagtha amach ina dhá chuid:

- Comhshaol tacúil a chruthú do ghnáthúsáid na Gaeilge i riarachán inmheánach na Comhairle agus ina cuid gnóthaí le comhlachtaí poiblí eile agus leis an phobal féin.
- Caighdeáin cothromaíochta deiseanna a neadú, dul i ngleic le constaicí maidir le heolas agus seirbhísí, forbairt na Gaeilge a chur chun cinn, agus ceannasaíocht a léiriú le freastail ar riachtanais léirithe de chuid na bpobal Gaeilge atá ann cheana, chomh maith leo siúd atá ag teacht chun cinn.

Is í fíis na Comhairle do Straitéis na Gaeilge 2024-2027:

- Comhshaol tacúil inbhuanaithe a chruthú d'úsáid agus d'athghiniúint na Gaeilge sa saol poiblí, pearsanta, eacnamaíochta agus pobail.

Ar mhaithe leis na cuspóirí seo a bhaint amach, glacann muid treoir ó na cúig bunluach atá aitheanta i bPlean Corparáide na Comhairle 2023-2027:

- **Comhoibriú:** Oibreoidh muid i gcomhpháirtíocht le daoine eile
- **Freagrúil:** Éistfidh muid le dearcthaí achan duine agus freagróidh muid go hoscailte agus go dearfach iad

- **Comhpháirtíocht:** Oibreoidh muid i gcomhpháirtíocht le cónaitheoirí agus baill foirne le riachtanais a mheas agus lenár gcuid seirbhísí a fheabhsú
- **Inmharthanacht:** Déanfaidh muid ár seirbhísí a nua-chóiriú agus a nuáil chun an ceantar a fhorbairt don ghluin seo agus do na glúnta atá amach romhainn; agus,
- **Trédhearcacht:** Déanfaidh muid ár gcinntí agus leithdháileadh acmhainní go hoscailte agus tiocfaidh an t-eolas dóibh ó fhianaise neamh-chlaonta.

Chomh maith leis na bunluachanna seo, tá rún againn bheith gníomhach agus forásach inár misean.

3. Cuspóirí Straitéiseacha

Is iad an dá chuspóir straitéiseacha atá ag Straitéis na Gaeilge 2024-2027:

Cuspóir Straitéiseach 1: Forbairt na Gaeilge a éascú, a chumasú agus a spreagadh laistigh de Chomhairle Ceantair an Lúir, Mhúrn agus an Dúin mar eagraíocht agus laistigh den cheantar féin.

Cuspóir Straitéiseach 2: Teagmháil éifeachtúil a dhéanamh le Pobal na Gaeilge chun ábaltacht an phobail a neartú, comhoibriú agus comhpháirtíocht a spreagadh agus deiseanna maoinithe a aithint.

4. Creat an tSoláthair

4.1 Ionas go mbainfear an dá chuspóir straitéiseacha amach, bainfidh muid úsáid as:

- **Gníomhartha dearfacha:** na mionsonraí agus scála na ngníomhartha
- **Measúnú feidhmíochta:** ag léiriú a éifeachtaí is atá an straitéis ag baint amach na spriocanna atá leagtha amach
- **Torthaí:** na hathruithe a tharlóidh mar thoradh ar an ghníomh
- **Freagracht:** cé atá freagrach as an ghníomh a chur i gcrích
- **Amscála:** cén uair a chuirfear an ghníomh i gcríoch

Tagann na gníomhartha le Plean Corparáide na Comhairle, agus leis an Pholasáí Dátheangachais chun úsáid na Gaeilge agus an Bhéarla i gceantar na Comhairle a éascú agus a spreagadh trí:

- rochtain ar sheirbhísí agus eolas a mhéadú de réir a chéile;
- chumas phobal na Gaeilge a mhéadú, rannpháirtíocht chathartha a mhéadú, chomhoibriú agus comhpháirtíocht a spreagadh;
- inbhuanaitheacht agus inmharthanacht earnáil phobal na Gaeilge a fheabhsú;
- theagmháil agus líonrú a fhorbairt idir na pobail Gaeilge agus na hEarnálacha Reachtúla agus Deonacha;
- leithdháileadh buiséid cuí, monatóireacht, measúnú agus athbhreithniú.

5. Struchtúr agus Rialachas

Tá Aonad na Gaeilge sa Chomhairle freagrach as Straitéis na Gaeilge a chur i bhfeidhm. Tá an tAonad ina chuid de Rannóg an Pholasaí Chorporáidigh atá faoi Stiúrtóireacht Seirbhísí Corparáide na Comhairle.

Tá ról lárnach ag an Ghrúpa Oibre Traspháirtí um Straitéis na Gaeilge maidir le cur i bhfeidhm Straitéis na Gaeilge a phlé agus a mheas. Níl an t-údarás ag an Ghrúpa Oibre Traspháirtí um Straitéis na Gaeilge cinntí a dhéanamh, ach amháin moltaí a thabhairt. Cuirtear na moltaí a thagann ón Ghrúpa seo faoi bhráid Choiste Straitéise, Polasaí agus Acmhainní na Comhairle.

6. Monatóireacht agus Athbhreithniú

Ullmhófar tuairiscí gach sé mhí agus cuirfear faoi bhráid an Ghrúpa Oibre Traspháirtí um Straitéis na Gaeilge iad.

Déanfar athbhreithniú bliantúil ar Straitéis na Gaeilge le deimhniú go bhfuil na gníomhartha agus an buiséad a bhaineann léi go fóill ábhartha agus cuí.

Cuspóir Straitéiseach 1		Forbairt na Gaeilge a éascú, a chumasú agus a spreagadh laistigh de Chomhairle Ceantair an Iúir, Mhúrn agus an Dúin mar eagraíocht agus laistigh den cheantar féin.		
Gníomh dearfach	Measúnú feidhmíochta	Torthaí	Freagracht	Amscála
<p>1.1 Seirbhísí lárnacha Gaeilge a chur ar fáil trí Aonad na Gaeilge (AnaG)</p>	<ul style="list-style-type: none"> Aistriúchán & Ateangaireacht Comhairle & Tacaíocht Taighde faoi: Chomharthaíocht / Ainmniú sráide & eastát tithíochta Uasdátú ar an acmhainn logainmneacha Clár le feasacht agus tuiscint i leith na Gaeilge a ardú Clár Sheachtain na Gaeilge 	<p>Bunseirbhísí Gaeilge á gcur ar fáil don Chomhairle, gach Roinn agus Seirbhís, chomh maith leis an phobal</p> <p>An Ghaeilge agus Aonad na Gaeilge á gcur chun cinn go dearfach agus dearcthaí i leith na Gaeilge a fheabhsú</p> <p>Cur le tuiscint agus eolas i leith an Pholasaí Dátheangachais, Nósanna Imeachta agus Treoirínte</p>	Aonad na Gaeilge (AnaG)	Croí-obair leanúnach an Aonaid (AnaG)
<p>1.2 Córas soiléir agus treoirínte a fhorbairt agus a reáchtáil i dtaca le cáipéisí corparáideacha, comharthaíochta srl a aistriú</p>	<ul style="list-style-type: none"> Pacáiste ríomhfhoghlama a fhorbairt do bhaill foirne Cur i láthair ar an chóras a dhéanamh ar Teams le hachair ama á bplé mar chuid dó An seoladh rphoist LUtranslations@nmandd.org a chruthú Bogearraí aistriúcháin a cheannach agus a úsáid 	<p>Tuiscint níos fearr a chothú ar an phróiseas aistriúcháin</p> <p>Dea-thionchar ar chaidrimh le ranna eile trí chumarsáid éifeachtach</p> <p>Ardú in éifeachtúlacht agus cruinneas sa phróiseas aistriúcháin</p> <p>Caidrimh a thógáil taobh istigh den Chomhairle agus le ranna rialtais</p>	Aonad na Gaeilge (AnaG) TF Foireann Foghlama agus Forbartha	Eanáir 2024
<p>1.3 Pacáiste ríomhfhoghlama a fhorbairt agus a chur chun cinn; maidir le feasacht teanga, Straitéis Gaeilge na Comhairle, an Polasaí Dátheangachais agus a Nósanna Imeachta, agus maidir le Treoirínte</p>	<p>Líon na ndaoine ag glacadh seisiún eolais / traenála ar:</p> <ul style="list-style-type: none"> Fheasacht teanga Shamplaí dea-chleachtais ar fud na heagraíochta <p>2 cheardlann ar a laghad gach bliain ar an Pholasaí Dátheangachais & Nósanna Imeachta agus Treoirínte</p>	<p>Aonad na Gaeilge ag cur na Gaeilge chun cinn i Seirbhísí na Comhairle / constaicí i leith na teanga a shárú</p> <p>Cur chuige leanúnach maidir le cur chun cinn na Gaeilge i seirbhísí na Comhairle</p> <p>Caighdeán seasmhach i leith</p>	AnaG TF Foireann Foghlama agus Forbartha An Roinn Cumarsáide agus Margaíochta	Leanúnach Athbhreithniú ar an Pholasaí Dátheangachais, Nósanna Imeachta

<p>d'fhostaithe na Comhairle</p> <p>Athbhreithniú ar an Pholasaí Dátheangachais, Nósanna Imeachta agus Treoirínte d'fhostaithe na Comhairle</p>	<p>Polasaí Dátheangachais Athbhreithnithe</p> <p>Nósanna Imeachta an Pholasaí Dátheangachais athbhreithnithe</p> <p>Treoirínte athbhreithnithe d'úsáid na Gaeilge i gComhairle Ceantair an Lúir, Mhúrn agus an Dúin</p>	<p>soláthar seirbhísí, ag teacht le treoirínte Bhranda Corparáideach</p> <p>Treoirínte d'fhostaithe na Comhairle</p>		<p>agus Treoirínte d'fhostaithe na Comhairle le déanamh Eanáir 2025</p>
<p>1.4</p> <p>An Ghaeilge a phríomhshruthú i leith pleananna straitéiseacha agus ghnó, chomh maith le socruithe oibríochta le béim faoi leith ar sheirbhísí a mbíonn ag plé go díreach leis an phobal</p> <p>Clár corparáideach for-rochtana a fhorbairt le tuiscint agus dearcthaí dearfacha i leith na Gaeilge a chothú agus a fhorbairt.</p>	<p>Cruinnithe le Stiúrthóireachtaí / réimse seirbhísí</p> <p>Sonraí na leasuithe / Líon na gclár atá curtha in ord tosaíochta</p> <p>Cruinnithe le hOifigigh Toghcheantar (DEA)</p> <p>Líon na n-imeachtaí for-rochtana</p>	<p>An dátheangachais a phríomhshruthú go himmheánach i bhfeidhmeanna na Comhairle, agus é seo a bhaint amach go forásach ag úsáid acmhainní atá inacmhainne</p> <p>An Ghaeilge a dhéanamh níos so-fheicthe agus á cur chun cinn ag leibhéal sholáthar seirbhíse</p> <p>Feabhsú maidir le dearcthaí dearfacha agus tuiscint i leith na Gaeilge</p>	<p>AnaG</p> <p>Freagracht chomhroinnte ag na Stiúrthóireachtaí cuí / Ionaid Sheirbhísí cuí</p>	<p>Ongoing</p>
<p>1.5</p> <p>Suíomh idirlín agus meáin shóisialta a fhorbairt agus a chaomhnú</p> <ul style="list-style-type: none"> • Ascnamh sonraí • Ábhar Gaeilge ar shuíomh agus meáin shóisialta na Comhairle a chur i dtús áite, modhnóireacht a dhéanamh air agus é a 	<p>Suíomh idirlín agus meáin shóisialta dátheangach atá ag feidhmiú</p> <p>Líon na bpostálacha dátheangacha (Gaeilge / Béarla) ar chainéil na Comhairle</p> <p>Líon na bpostálacha a thugann eolas don phobal ar sheirbhísí reatha na Comhairle atá ar fáil trí Ghaeilge</p>	<p>Suíomh idirlín agus meáin shóisialta na Comhairle a fhorbairt, agus é seo a bhaint amach go forásach ag úsáid acmhainní atá inacmhainne</p> <p>Ag feidhmiú agus ag freastal ar riachtanais pobail na Gaeilge sa cheantar agus níos faide i gcéin</p> <p>Eolas níos fearr a bheith ag an</p>	<p>AnaG</p> <p>Freagracht chomhroinnte ag na Stiúrthóireachtaí / Ionaid Sheirbhísí cuí</p>	<p>Leanúnach</p>

<p>uasdátú</p> <ul style="list-style-type: none"> Tá Aonad na Gaeilge ag cur leis an tsuíomh atá ann le heolas ar AnaG agus na seirbhísí cuí chomh maith le nasc chuig Straitéis na Gaeilge agus an eolas cuí 		<p>phobal ar uirlisí teanga atá in úsáid ag an Chomhairle faoi láthair (Google Translate agus barra uirlisí ReachDeck san áireamh)</p>		
<p>1.6 Clár Imeachtaí a fhorbairt i éineacht leis an Roinn Cumarsáide agus Margaíochta, na hlarsmalanna, na hlonaid Phobail agus na hlonaid Ealaíon</p>	<p>Bolscaireacht a dhéanamh ar ábhar agus imeachtaí i bhfad roimh na himeachtaí</p>	<p>An Ghaeilge a dhéanamh níos so-fheicthe agus ar shuíomh agus chainéil meán sóisialta na Comhairle</p> <p>Daoine a mhealladh isteach in ionaid de chuid na Comhairle chun sult a bhaint as imeachtaí Gaeilge / dátheangacha</p>	<p>AnaG</p> <p>larsmalanna</p> <p>Cumarsáid & Margaíocht</p> <p>Foireann Ealaíon agus Imeachtaí</p> <p>Foireann Rannpháirtíocht sa Phobal</p>	<p>Leanúnach</p>
<p>1.7 Ullmhúchán a dhéanamh maidir leis an Acht Féiniúlachta agus Teanga (Tuaisceart Éireann) 2022 a chur i bhfeidhm, agus gealltanais reachtacha na Comhairle a chomhlíonadh</p>	<p>Cruinnithe le príomh-eagraíochtaí na Gaeilge – teagmháil rialta le Conradh na Gaeilge maidir leis an fhorbairt reachtaíochta</p> <p>Cruinnithe le hOifigigh Gaeilge i gComhairlí Áitiúla eile le cúrsaí a phlé agus eolas a dhéanamh dár gcuid ullmhúcháin féin maidir le plean gnímh a chur le chéile</p>	<p>A hullmhaithe is atá an Chomhairle do chaighdeáin teanga a fhorbróidh Coimisinéir na Gaeilge nuair a ceapfar é</p>	<p>AnaG</p> <p>Polasaí Corparáideach</p> <p>Conradh na Gaeilge</p> <p>Comhairlí Áitiúla eile</p>	<p>Leanúnach</p>
<p>1.8 Tuairiscí monatóireachta gach sé mhí le dul faoi bhráid an Ghrúpa Oibre Tras-Pháirtí um</p>	<p>Tuairiscí monatóireachta déanta</p>	<p>Monatóireacht a dhéanamh ar Straitéis na Gaeilge, chomh maith le hathbhreithniú agus measúnú</p>	<p>AnaG / Polasaí Corparáideach</p>	<p>Gach sé mhí le linn na straitéise</p>

Straitéis na Gaeilge				
<p>1.9 Forbairt acmhainne agus traenáil i leith na Gaeilge d'fhostaithe agus Bhaill Tofa:</p> <ul style="list-style-type: none"> • Conair Forbartha Gairmiúla i leith na Gaeilge á bunú ag Acmhainní Daonna d'fhostaithe agus Bhaill Tofa; • Tacaíocht forbartha leanúnach a chur ar fáil do rannóga na Comhairle maidir le cur i bhfeidhm Polasaí Dátheangachais na Comhairle agus na Nósanna Imeachta a bhaineann leis; • Cur chuige traidisiúnta, chomh maith le ríomhfhoghlaim • Scéim phíolótach le 10 bhfostaí ar dtús agus ag leathnú amach chuig grúpa is mó 	<p>Scileanna sa Ghaeilge á dtairiscint mar dheis don fhorbairt fhoghlama agus ghairmiúil – mar scéim píolótach ar dtús agus ag forbairt go líon daoine níos airde</p> <p>Líon na ndaoine a fhreastalaíonn</p> <p>Pacáiste r-fhoghlama a fhorbairt</p>	<p>Feabhsú i dtaca le scileanna agus eolas na bhfostaithe</p> <p>Fostaithe a bheith níos ábalta Polasaí Dátheangachais na Comhairle a chur i bhfeidhm agus a phríomhshruthú i bhfeidhmeanna na Comhairle chomh maith trína róil rannpháirtíochta pobail</p>	<p>AnaG</p> <p>Oifigeach Oiliúna & Forbartha in Acmhainní Daonna</p> <p>IT</p>	<p>Curtha ar fáil agus athbhreithni the go bliantúil i rith thréimhse na Straitéise</p> <p>Aibreán 2024 nó roimhe sin</p>
<p>1.10 Prionsabail inchosanta neamh-chlaonta maidir le scileanna Gaeilge a chur i bhfeidhm mar chuid de phróisis earcaíochta agus roghnúcháin</p>	<p>Líon na bpost a chuireann an Ghaeilge mar chritéar riachtanach nó inmhianaithe</p>	<p>Feabhsú i dtaca le scileanna agus eolas na bhfostaithe</p> <p>Seirbhís níos fearr do phobal na Gaeilge</p>	<p>Acmhainní Daonna</p> <p>AnaG</p> <p>Polasaí Corparáideach</p>	<p>Leanúnach</p>

<p>1.11 Leanúint le léarscáiliú Infreastruchtúir Phobal na Gaeilge</p>	<p>Comhtháthú léarscáil infreastruchtúir na Gaeilge le freastal ar fhorbairt phobal na Gaeilge</p> <p>Comhoibriú leis an Fhoireann Fhianaise agus Taighde chun léarscáiliú Infreastruchtúir Phobal na Gaeilge a fhorbairt mar ghrafaic eolais a bhfuil logainmneacha leagtha amach air go dátheangach</p>	<p>Eolas is fearr ar infreastruchtúr Phobal na Gaeilge</p> <p>Feabhsú i dtaca le comhionannas deiseanna do chónaitheoirí ar mhaith leo rochtain a bheith acu ar sheirbhísí Gaeilge fud fad an phobail</p>	<p>AnaG</p> <p>Rannpháirtíocht Pobail</p>	<p>Leanúnach</p>
<p>1.12 Athbhreithniú ar Straitéis na Gaeilge 2024 - 2027</p>	<p>Athbhreithniú ceithre bliana ar Straitéis na Gaeilge</p>	<p>Monatóireacht, athbhreithniú agus measúnú ar Straitéis na Gaeilge 2024-2027 agus Straitéis na Gaeilge nua a fhorbairt</p>	<p>AnaG</p> <p>Polasaí Corparáideach</p>	<p>Samhain 2026 – Aibreán 2027</p>

<p>Cuspóir Straitéiseach 2</p>	<p>Teagmháil éifeachtúil a dhéanamh le Pobal na Gaeilge chun ábaltacht an phobail a neartú, comhoibriú agus comhpháirtíocht a spreagadh agus deiseanna maoinithe a aithint.</p>			
<p>Gníomh dearfach</p>	<p>Measúnú feidhmíochta</p>	<p>Torthaí</p>	<p>Freagracht</p>	<p>Amscála</p>
<p>2.1 Feasacht i leith sheirbhísí na Comhairle a fhorbairt i measc Phobal na Gaeilge agus a fheabhsú tríd an chur chuige 'Tairiscint Ghníomhach'</p>	<p>Líon na seirbhísí ábhartha a chuirtear chun cinn</p>	<p>Tuiscint níos fearr a bheith ag daoine ar sheirbhísí na Comhairle i leith na Gaeilge</p>	<p>Freagracht chomhroinnte ag na Stiúrtóireachtaí cuí</p>	<p>Leanúnach</p>
<p>2.2 Tacú le forbairt leanúnach Fhóram an Dúin & Oiriaila</p>	<p>Méid na gcruinnithe a bhíonn ag an Fhóram</p> <p>Líon na ndaoine a bhíonn i láthair</p> <p>Líon na ngrúpaí a bhíonn i láthair</p>	<p>Borradh ar rannpháirtíocht pobail i leith ceisteanna tábhachtacha</p> <p>Fás ar inbhuanaitheacht eagraíochtaí pobail Gaeilge</p>	<p>AnaG</p>	<p>Leanúnach</p>

<p>2.3 Clár Scéim Cúnamh Airgeadais Gaeilge a chur i bhfeidhm</p>	<p>Líon na n-iarratasóirí</p> <p>Líon na n-iarratasóirí rathúla</p> <p>Líon na rannpháirtithe sna tograí rathúla – i gcomhairle le hAonad na gClár</p>	<p>Forbairt agus athnuachan Phobal na Gaeilge, agus cúnamh airgeadais a úsáid le rannpháirtíocht sa Ghaeilge a spreagadh trí:</p> <p>a) Tionscnaimh a chothaíonn acmhainn an phobail, meantóireacht, agus obair dheonach a fhorbairt. Táthar ag súil go spreagfaidh sé seo comhoibriú idir na pobail Ghaeilge atá forbartha agus pobail Ghaeilge nua, nó atá go fóill ag fás agus ag forbairt, chun acmhainní a roinnt, líonraí a neartú agus obair dheonach a spreagadh.</p> <p>b) Tionscnaimh rannpháirteachais pobail a fhorbraíonn caidreamh dearfach, a mhéadaíonn tuiscint agus feasacht teanga, a théann i ngleic le tuairimí agus a spreagann meas don Ghaeilge.</p>	<p>Aonad na gClár</p> <p>AnaG</p>	<p>Go bliantúil</p>
<p>2.4 Aird a tharraingt ar dheiseanna maoinithe eile do ghrúpaí Gaeilge seachas scéimeanna na Comhairle</p>	<p>Líon na ndeiseanna maoinithe eile, nach ón Chomhairle iad, a dtarraingítear aird orthu</p> <p>Líon na seisiún eolais / cur i láthair (ar líne nó duine le duine) le grúpaí Gaeilge</p>	<p>Tacaíocht a chur ar fáil d'iarratasóirí atá in ann cur isteach ar dheiseanna maoinithe nach ón Chomhairle iad</p> <p>Eolas a roinnt maidir le sruthanna maoinithe</p> <p>Cumas na ngrúpaí Gaeilge a thógáil le teacht ar mhaoiniú</p>	<p>AnaG</p> <p>Eagraíochtaí seachtracha maoinithe</p>	<p>Leanúnach</p>
<p>2.5 Scéim Sparánachta na Gaeilge a</p>	<p>Méid na n-iarratas</p>	<p>Tacaíocht curtha ar fáil do dhaoine lena gcuid scileanna Gaeilge a</p>	<p>AnaG</p>	<p>Go Bliantúil</p>

chur i bhfeidhm Córas ríomhbhainistithe a fhorbairt	Líon na n-iarratasóirí rathúla Méid bronnta Méid ama a ghlactar chun iarratais agus éilimh a phróiseáil	fheabhsú trí sparánachtaí a chur ar fáil chun freastal ar chúrsaí Gaeilge, cuirtear san áireamh: coláistí Gaeltachta, dianchúrsaí agus cúrsaí agus modúil tríú leibhéal Córas iarratais SSNG a nuachóiriú	IT	Eanáir 2024
2.6 Comhoibriú díreach leis an earnáil oideachais, chomh maith le comhoibriú le Cumann na bhFiann (eagraíocht a oibríonn go díreach le daoine óga)	Méid na scoileanna a n-oibrítear leo Líon na ndaltaí ag freastal ar cheardlanna Líon na gclubanna óige a bhunaítear	Caidrimh fhiúntacha curtha ar bun agus caomhnaithe leis an earnáil oideachais Tacaíocht á tabhairt don earnáil dheonach trí dheiseanna do dhaltaí scoile a chur chun cinn	AnaG Earnáil oideachais	Leanúnach
2.7 Imeachtaí agus ábhar físe (ar na meáin shóisialta) a fhorbairt agus a chur chun cinn	Líon na n-imeachtaí Líon na sraitheanna físe á roinnt go bliantúil agus á gcur i gcartlann ar líne Líon na n-ionad Comhairle a úsáidtear d'imeachtaí Líon amharc agus rannta ar na meáin shóisialta	Ábhar Gaeilge a bheith níos sofheicthe ar líne Tionchar dearfach ag an Chomhairle ar an phobal trí fheasacht teanga agus téamaí san ábhar físe á roinnt Margaíocht éifeachtach á déanamh tríd an ábhar físe a chur ar scáileán: seisiúin “ceist agus freagra” Úsáid níos mó á baint as ionaid de chuid na Comhairle	ILU Foireann na n-iarsmalanna agus na n-áiseanna cuí IT Cumarsáid agus Margaíocht	Leanúnach